

## BASES CONCURSO DE COMPARSAS ENTROIDO 2023

O Excmo. Concello de Cambados, a través da Concellería de Cultura, convoca o CONCURSO DE COMPARSAS PARA O MARTES DE ENTROIDO 21 DE FEBREIRO DE 2023 ás 18:30 horas na Praza de Alfredo Brañas (en caso de choiva trasladarase ao Salón José Peña)

O concurso obxecto desta convocatoria rexerese polas seguintes Bases:

### 1.- Obxecto.

1. As presentes bases teñen por obxecto a regulación da participación e concesión dos premios do Concurso de Comparsas do Entroido 2023.

2. Este concurso rexerese polo establecido na presente convocatoria; na Lei 9/2007, de 13 de xuño, de Subvencións de Galicia; na Lei 38/2003, de 17 de novembro, Xeneral de Subvencións; no Regulamento Xeral da Lei de Subvencións aprobado por Real Decreto 886/2006, de 21 de xullo; na Lei 39/2015, de 1 de outubro, do Procedemento Administrativo Común das Administracións Públicas; no Real Decreto 130/2019, de 8 de marzo, polo que se regula a Base de Datos Nacional de Subvencións e a publicidade das subvencións e demais axudas públicas; na Ordenanza Xeral de Subvencións do Concello de Cambados (BOPPO nº 217 de 10 de novembro de 2004) e nas restantes normas de dereito administrativo que no seu caso sexan aplicables, e na súa falta, as normas de dereito privado.

### 2.-Aplicación orzamentaria.

Os gastos inherentes ao presente concurso por un total máximo de 3.350,00 euros se imputarán á aplicación 3380.48100 do orzamento de gastos.

### 3.- Concorrenza competitiva.

Os premios inherentes a este concurso se concederán en réxime de concorrenza competitiva, previo estudo e valoración por parte do xurado.

### 4.- Participantes.

1. Poderán tomar parte neste concurso todas as persoas físicas ou xurídicas, asociacións ou colectivos, sen máis limitacións cas impostas pola legalidade vixente.

2. En todo caso as persoas participantes deberán cumprir os seguintes requisitos:

- Non estar incurso en ningunha das prohibicións para ser beneficiario de subvención establecidas no artigo 13 da Lei 38/2003, de 17 de novembro, Xeneral de Subvención.



- Estar ao corrente das súas obrigas fiscais e tributarias coa Agencia Estatal de la Administración Tributaria, coa Axencia Tributaria de Galicia e co Concello de Cambados.
- Estar ao corrente, se fora o caso, das súas obrigas coa Seguridade Social.

3. O concurso contará coa participación dun máximo de 10 comparsas. No caso de superar esta cantidade, seleccionaranse por orde de inscrición, priorizando as que contén con máis integrantes domiciliados en Cambados. Polo tanto, será a Organización quen, nos días seguintes tras finalizar o prazo de inscrición, contacte con aquelas que finalmente participen. A organización pode permitir a participación de comparsas fóra de concurso se quedan prazas libres. A orde de actuación será a mesma que a de inscrición.

## 5.- Publicación da convocatoria e prazo de presentación.

1. As inscricións poderán ser presentadas a partir do día seguinte da publicación do extracto da convocatoria no BOPPO na forma e termos previstos na Lei 38/2003, de 17 de novembro, Xeral de Subvencións, en relación coa Base de Datos Nacional de Subvencións.

2. A inscrición deberá facerse obrigatoriamente na Biblioteca Municipal Luís Rei, no modelo de inscrición normalizado (Anexo I), indicando:

- Nome da comparsa e temática que representa.
- Listado numerado dos integrantes da comparsa e rango de idades.
- Nome, apelidos, DNI, enderezo e teléfono do representante (no caso de ser un grupo informal e non unha asociación constituída).
- Nome, CIF, enderezo e teléfono da Asociación (no caso de ser unha asociación legalmente constituída). Farase constar así mesmo o nome e DNI do representante da Asociación.

3. Xunto coa instancia de inscrición deberá achegarse obrigatoriamente a seguinte documentación:

- Copia do DNI do representante do grupo (no caso de grupos informais).
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).
- Certificado de conta bancaria da Asociación ou do representante do grupo (no caso de grupos informais) para o ingreso do premio.

4. O prazo de presentación da documentación rematará o venres 17 de febreiro de 2023 ás 14:00h. As solicitudes recolleranse na biblioteca de luns a venres de 10.00h a 20.30h e o sábado de 10.30h a 13.30h.

5. As comparsas terán a obriga de entregar, o mesmo día da inscrición, 2 exemplares das súas letras na biblioteca, para lles seren entregadas ao xurado e ao arquivo municipal. A data límite para esta entrega é o venres 17 de febreiro ás 14.00 horas no mesmo lugar da inscrición.

## 6.- Normas de participación.



1. As comparsas estarán formadas, por un mínimo de 10 persoas, e terán un representante legal maior de idade, que asuma a responsabilidade en todos os supostos derivados da participación neste concurso.
2. As comparsas deberán estar o martes 21 de febreiro de 2023, coa suficiente antelación, no Praza de Alfredo Brañas ou, en caso de mal tempo, no Salón José Peña.
3. As comparsas contarán con medios propios para faceren a súa actuación, e terán un máximo de 20 minutos dende que suban ata que baixen do escenario ou un máximo de 5 cancións por grupo. Establécese igualmente un mínimo de 3 cancións para poder participar.
4. A actuación realizarase segundo a orde establecida no momento da inscrición, da que deberán estar pendentos cada un dos seus representantes.
5. As comparsas non poderán usar na súa actuación medios ou materiais que supoñan un perigo para as persoas. O xurado penalizará as comparsas que incumpran este apartado coa súa eliminación automática.
6. Unha vez rematado o concurso, as comparsas retirarán do espazo no que se realice o Concurso todas as súas pertenzas. De non facelo poden incorrer nunha penalización económica.
7. As comparsas que o precisen comprométense a entregar, con tempo suficiente (a través dun CD, memoria extraíble...) ao técnico do son os arquivos de música que queiran reproducir durante a súa actuación. Deberán concretar co antedito técnico formato e calidade para evitar problemas durante a actuación.
8. Co fin de colaborar e de lle dar máis vistosidade ao desfile de carrozas do Domingo de Entroido, animaráselles ás comparsas a que participen no devandito desfile.

## 7.- Xurado.

1. O xurado estará composto por persoal técnico da Concellaría de Cultura así como por membros de asociacións culturais e/ou de Zona Centro.
2. O xurado valorará os seguintes aspectos das actuacións:
  - Nº de participantes e unidade grupal na súa posta en escena.
  - Actitude na exhibición: a música, sobre todo se é en directo e instrumentalizada, o canto e o baile.
  - Caracterización: vestuario, sobre todo se a súa realización é artesanal, a súa orixinalidade e vistosidade, así como as maquillaxes e os complementos.
  - Humor e crítica: a letra, o inxenio, a ironía, o dobre sentido, sempre dende o respecto. Exixirase que a temática estea relacionada dalgún xeito con Cambados ou coa actualidade social, cultural ou política do país.



3. Rematada a votación, os membros do xurado sumarán as puntuacións e firmarán a acta -no modelo normalizado recollido no Anexo III de estas bases- que será comunicada ao público asistente. Despois de que se coñeza o nome das comparsas gañadoras, estas recibirán os diplomas acreditativos do Concurso de Comparsas 2023. O xurado poderá sen embargo deixar os premios desertos se así o considerase ofrecendo só a posibilidade de outorgar gratificacións. Os membros das comparsas respectarán o labor do xurado, e acatarán a súa decisión, aínda que non a compartan.

## 8.- Premios.

Establécense os seguintes premios, ata un límite máximo de consignación orzamentaria de 3.350,00 euros:

1.- Premios outorgados conforme á valoración do xurado:

- 1ª Comparsa Clasificada: 600 €
- 2ª Comparsa Clasificada: 450 €
- 3ª Comparsa Clasificada: 300 €

2.- Premios pola participación no concurso:

- Todas as comparsas participantes no concurso levarán unha gratificación de 200 €.

3.- Segundo a normativa vixente, os premios superiores a 300 € estarán suxeitos á correspondente retención tributaria.

## 9.- Concesión dos premios.

1. Os diplomas acreditativos dos premios serán entregados o martes 21 de febreiro ao remate do concurso Praza de Alfredo Brañas (en caso de choiva trasladarase ao Salón José Peña). De seguido, todos os representantes legais deberanse reunir coa organización para asinar os documentos xustificativos pertinentes (Anexo IV), mostrando o seu DNI.

2.- O ingreso das gratificacións e dos premios farase nos días posteriores a través de transferencia bancaria no número de conta aportado, unha vez sexa emitido informe proposta polo departamento de Cultura e adoptado acordo de concesión polo órgano competente.

3. O Acordo de concesión dos premios será publicado no taboleiro de anuncios do Concello de Cambados aloxado na sede electrónica municipal (<https://cambados.sedelectronica.gal>), aos efectos do disposto no artigo 26 da Lei 38/2003, do 17 de novembro, Xeneral de Subvencións e artigo 45.1.b) da Lei 39/2015, do 1 de outubro, de Procedemento Administrativo Común das Administracións Públicas. Do mesmo daráselle traslado á Base de Datos Nacional de Subvencións.

4. O acto de resolución da subvención esgota a vía administrativa. De acordo co que dispoñen os artigos 123 e 124 da Lei 39/2015, do 1 de outubro, de Procedemento Administrativo Común das Administracións Públicas, contra a



resolución poderase interpor un recurso potestativo de reposición, no prazo dun mes contado desde o día seguinte ao da recepción da notificación, ou directamente un recurso contencioso-administrativo, no prazo de dous meses, contados dende o día seguinte ao da recepción da notificación, nos termos recollidos na lexislación vixente.

## 10.- Compatibilidade con outras axudas.

Os presentes premios serán compatibles con outras subvencións, axudas, ingresos ou recursos para a mesma finalidade, procedentes de calquera Administración ou entes público ou privado, nacionais, da Unión Europea ou de Organismos internacionais.

## 11.- Aceptación.

A participación neste Concurso supón a plena aceptación das presentes bases e a conformidade coas decisións de Xurado. A organización resérvase o dereito a introducir, se o cre conveniente, as modificacións necesarias para o bo funcionamento do concurso. En todo momento as persoas participantes deberán cumprir coas indicacións da organización.

As comparsas coa aceptación destas bases dan o seu visto e praxe a posibles difusión ou explotacións do contido do evento, que será, en todo caso, responsabilidade do Concello de Cambados.

## 12.- Norma final.

En todos aqueles aspectos que non se encontren expresamente contemplados nas presentes bases ou na normativa de aplicación o xurado queda facultado para a súa resolución, así como respecto de todas as cuestións que poidan suscitarse no desenvolvemento do concurso.

## 13. Entrada en vigor.

Estas Bases entrarán en vigor ao día seguinte da publicación dun extracto das mesmas no BOPPO (Boletín Oficial da Provincia de Pontevedra), unha vez rexistradas na Base de Datos Nacional de Subvencións (BDNS) estarán a disposición dos interesados, xunto a ficha de inscrición, na sede electrónica municipal (<https://cambados.sedelectronica.gal>).



## ANEXO I

### INSTANCIA DE INSCRIPCIÓN NO CONCURSO DE COMPARSAS

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

en representación do grupo / Asociación \_\_\_\_\_

\_\_\_\_\_ con CIF \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

#### SOLICITA

A participación no CONCURSO DE COMPARSAS DO ENTROIDO 2023 convocado polo Concello de Cambados, da comparsa:

- Nome da comparsa e temática que representa: \_\_\_\_\_

- Número de integrantes da comparsa e rango de idades: \_\_\_\_\_

Achégase así mesmo a seguinte documentación:

- Listado de integrantes da Comparsa.
- Copia do DNI do representante do grupo (no caso de grupos informais).
- Copia do CIF da Asociación e copia do DNI do representante (no caso de ser unha asociación legalmente constituída).
- Declaración responsable de atoparse ao corrente das obrigas tributarias e da seguridade social, segundo impreso normalizado (Anexo II).
- Copia do certificado de conta bancaria da Asociación ou do representante do grupo (no caso de grupos informais) para o ingreso do premio.

En Cambados, a \_\_\_\_\_ de \_\_\_\_\_ de 2023

(Sinatura)



A entrega de presente instancia de inscrición cuberta, implica a aceptación das bases do concurso e a participación no mesmo conforme a elas



## ANEXO II

### DECLARACIÓN RESPONSABLE

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

en representación do grupo / Asociación \_\_\_\_\_

\_\_\_\_\_ con CIF \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

### DECLARA RESPONSABLEMENTE

Que o grupo / Asociación \_\_\_\_\_:

- Non está incurso en ningunha das prohibicións para a obtención da condición de beneficiario que recolle o artigo 13 da Lei 38/2003 do 17 de novembro, Xeral de Subvencións.

- Está ao corrente no cumprimento das obrigas tributarias coa Facenda Estatal, Autonómica, e coa Seguridade Social, e co Concello de Cambados.

E para que conste aos efectos oportunos, asina a presente declaración.

En Cambados, a \_\_\_\_\_ de \_\_\_\_\_ de 2023

(Sinatura)





### ANEXO III

#### ACTA DA ENTREGA DE PREMIOS DO CONCURSO DE COMPARSAS 2023

Reunidos en Cambados, ás ..... horas do día ..... de ..... de 2023, o Xurado do concurso, composto por:

-  
-  
-  
-  
-

onde .....  
como ..... do Concello, actúa como Secretario/a, e unha vez rematado o certame, levántase acta dos clasificados/as, entregándoselles os diplomas dos premios, expostos nas bases do concurso, resultando:

1º clasificado ..... premio 600 €

2º clasificado ..... premio 450 €

3º clasificado ..... premio 300 €

Así mesmo, entréganse un total de ..... gratificacións por valor de 200 € a cada unha das Comparsas pola súa participación.

A suma total dos premios e gratificacións ascende a ..... €, e cada galardoado/a asina unha ficha polo importe outorgado que se engade de forma anexa.



Ademais, de habelas, indícanse as seguintes incidencias .....

.....

.....

.....

.....

Levántase a presente Acta, en Cambados a ..... de ..... de 2023.

Sinaturas dos membros do xurado

Constantino Cordal

.....

Concelleiro de Cultura

Técnico de Cultura



## ANEXO IV

### FICHA DE BENEFICIARIO CONCURSO COMPARSAS 2023

D/D<sup>a</sup> \_\_\_\_\_, con DNI \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

en representación do grupo / Asociación \_\_\_\_\_

\_\_\_\_\_ con CIF \_\_\_\_\_

con domicilio en \_\_\_\_\_

\_\_\_\_\_ e teléfono nº \_\_\_\_\_

Resultou beneficiario dun premio/gratificación por importe de \_\_\_\_\_ €

pola participación no CONCURSO COMPARSAS 2023, celebrado en Cambados o día \_\_\_\_ de \_\_\_\_\_ de 2023.

Sinatura:

CONFORME, o Concelleiro de Cultura, Constantino Cordal

Asdo :

